

Ա. ՔԵՉՅԱՆ

(Ա. ԼՍԱՐԱՆԻ ՈՒՍԱՆՈՂ)

Մ Ջ Ե Ր Ի Վ Ե Ր Ա Դ Ա Ր Ձ Ը

(Մ տ ա պ ա տ կ ե Ր)



ուսավոր դասարանում, յուրահատուկ հանդարտությամբ, շրջանակավոր ակնոցների միջից փայլող աչքերով, գրականության առարկայի դասատուն նայում էր իր վրա բեկոված երկու տասնյակ ուսանողների հայացքներին:

Դասարանում հնչում էր նրա դուրեկան, յուրաքանչյուր բառը դրոշմող ձայնը.

— Հայ ժողովուրդն իր ապագայի նկատմամբ ունեցել է պայծառ լավատեսություն: Այդ լավատեսության գեղեցկագույն արտահայտությունը Փոքր Մհերն է, մեր դյուցազունների սերնդի վերջին ներկայացուցիչը: Որը, գայրացած աշխարհի անարդարություններից, քաշվել է քարայր և որոշել դուրս գալ այնտեղից միայն այն ժամանակ:

«Երբոր աշխարհ ավերվի՝ մեկ էլ շինվի,

Երբոր ցորեն լինի քանց մասուր մի,

Ու գարին լինի քանց ընկուղ մի...»:

Սմբատը լարված ուշադրությամբ լսում էր իր սիրելի ուսուցչին:

Դասից հետո տուն վերադառնալով, նա նորից ծայրածայր կարդաց Փոքր Մհերի դյուցազնավեպը, վառ խորհրդածություններով գլուխը թեքեց գրքի վրա և թաղվեց պատկերների աշխարհում . . .

Նրա առջև բացվեց Արարատյան դաշտավայրի գեղեցիկ այգաբացը, երբ գիշերից պոկվող և մթնշաղի մեջ պարուրված լեռ ու դաշտ, քաղաք ու գյուղ աստիճանաբար զծագրվում են հորիզոնի վրա, որպեսզի քիչ հետո շողան արշալույսի ծիրանագույն շողերի ներքո:

Վաղն ճանապարհի վրա կանգնած է ինքը:

Արայի լեռան ստորոտից փչող մեղմ հովը խաղում է նրա խաբտյալ գանգուրների հետ: Նայում է նա Արարատի ձյունափայլ գագաթին, որի վրա ընկել են արեգակի առաջին ճառագայթները: Հեռվում, այգիների հետևից, լսվում է տրակտորի զրնգուն ձայնը, իսկ ճանապարհի երկու եզրերին վեր սլացած արդեն դեղնականաչ բարտիկների կա-

տարներին թռչկոտում են քնից արթնացած թռչունները:

Կանգնել է ինքը ճանապարհի եզրին, ու հմայված, շնչում է աշնանային առավոտյան բույրը: Եվ ահա Զվարթնոցի ավերակներից դեպի իրեն է մոտենում երկաթյա գրահ հագած մի հսկա ծերունի:

— Բարյավ, երիտասարդ, կարո՞ղ ես ասել թե ո՞ր երկրում եմ գտնվում ես:

— Հայաստանում, — մեքենայորեն պատասխանում է ինքը զարմացած:

— Ամոթ է խաբելը, — ասաց ծերունին, — ե՛ս էլ Հայաստանցի եմ, բայց իմ ճանաչած Հայաստանը երբե՛ք այսքան այգիներ, բարեկարգ ճանապարհներ, կանաչապատ գյուղեր, հոյաշեն տներ չի ունեցել: Բացի այդ, քիչ առաջ տեսա ես երկաթե շարժվող մի հրեշ-հսկայի, որն անցնում էր հողի վրայով և գետինը նրան հենակ էր տալիս, իսկ Հայաստանի հողը, որը ես գիտեմ, անարդարության երեսից այնքա՛ն էր փոշիացել ու փխրացել, որ ոտներս թաղվում էին նրա մեջ: Ո՛չ, ո՛չ, սա ուրիշ երկիր է, որդյա՛կ:

— Բայց պապի՛կ, մի՞թե դու չես տեսնում բեզ նման ալեհեր գլուխ ունեցող, քո աջ ու ձախ կողմերում խոյացած Արարատը և լայնանիստ քառագագաթ Արագածը, — ասաց նա է՛լ ավելի զարմացած:

Ծերունին ակնապիշ նայեց Արարատին և Արագածին, ու զարմացած, բացագունչեց.

— Իրոք նրանք են: Ես դուրս եկա գիշերով ու ճիշտ կողմնորոշվեցի: — Իվ արտասուքի երկու շիթ իջավ ծերունու ձյունահեր մորուքի վրա:

— Ուրեմն փոխվե՛լ է իմ աշխարհը, — ասաց ծերունին հագիվ լսելի ձայնով: — Դարեր առաջ, երբ ես այստեղ էի, իմ սիրեցյալ ժողովուրդը տառապում էր բռնակալության անարդար լծի տակ: Ես սիրում էի ժողովրդին, սիրում էի անսահման սիրով, ուստի և չկարողացա տանել նրա ողբն ու տառապանքը... Վշտացած ու դառնացած, հեռացա կյանքից ու փակվեցի քարայրում: ... Ու սպասում էի, սպասում ու հավատում էի թե կգան լավ օրեր...

— Բայց ո՞վ ես դու, պապի՛կ, և ո՞ր աշխարհից ես գալիս, — հարցրեց նա՝ հուզված ծերունու պատմությունից:

— Դավթի որդի Մհերն եմ, որդի՛ս, Սասունցի՛, և դալիս եմ իմ քարայրից...

Նա ջերմորեն փառվեց ծերունուն:

— Ների՛ր ինձ, իմաստո՛ւն ծերունի, շնանաչեցի: Ես հաճույքով կպատմեմ քեզ մեր նոր երկրի մասին, քո սիրելի ժողովրդի մասին, կպատմեմ և կառաջնորդեմ քեզ ամենուրեք: Դու կտեսնես ավելին, քան երազել ես դարեր առաջ: Եվ դու կհամոզվես, որ այդ երազ չէ, այլ քաղցր իրականություն: Քայլի՛ր, քայլի՛ր ինձ հետ:

Նրանք դանդաղ քայլեցին հայելանման ասֆալտապատ ճանապարհով:

Արևն արդեն բարձրացել էր:

Վիթխարի ծերունին առույգ պատանու նման քայլում էր և մերթ ընդ մերթ դուրսում էր հսկա ոտն հողին և ժպտում մանկան պես:

— Ո՛չ, է՛լ չի թաղվում, ամուր և հաստատուն է Հայրենի հողը...

Ծերունին զարմացական հայացքով դիտում էր իր շուրջը, դիտում էր ճանապարհի վրայով ծիծեռնակի արագությամբ սլացող գեղեցկատեսիլ «պոքեղա»ները, «մոսկվիչ»ները, ամեն տեսակ բարիքներով բեռնված արանքատար ավտոմեքենաները...

Նա ուշադրությամբ լսում էր երիտասարդի զրույցը Սովետական Հայաստանի մասին, Սովետական Մեծ Միության մասին, ժողովուրդների եղբայրության մասին... այն ամենի մասին, ինչը կարող էր հետաքրքրել իր ժողովրդի փրկության և ազատության համար պայքարող ու երազող հայրենասերին:

— Երեսուն տարի է, որ գոյություն ունի Սովետական Հայաստանը, բայց կարճ ժամանակամիջոցում մենք երկիրը փոխել ենք հիմնավորապես:

— Բրտինք թափող մարդիկ պատվի մե՛ջ են,— ընդհատելով երիտասարդին հարցրեց ծերունին:

— Ամենամեծ պատիվը նրա՛նցն է. աշխատավորներն իրենք են մեզ մոտ կառավարում երկիրը, իրենք են տնօրինում իրենց բախտը:

— Իսկ ցորենն ի՞նչպես է, մասուրի չափ կա՞...

— Ցորենն այժմ ավելի եկամտաբեր է քան մասուրը: Մեզ մոտ այժմ ցորենի բազմաճյուղ տեսակներ կան. ցանեցիր մեկ անգամ՝ կհնձես մի քանի տարի, ինչպես առվույտը:

Նրանք զրույցելով աննկատելիորեն մոտենում էին Երևանին՝ Սովետական Հայաստանի մայրաքաղաքին:

Վարդագույն, բազմահարկ տների լուսա-

մուտներն ապակիները շացուցիչ փայլում էին արևի տակ: Գործարանների հսկա ծրխներկույղներից կապուտակ երկնքին էր հասնում թանձր, կապտավուն ծուխը:

Ահա՛ և քաղաքը:

Հրաշալիքների մի ամբողջ շարան:

Մհերն իր խոշոր և սև աչքերը սևեռած, ամբողջ զորովյալ աշխատում էր ընդգրկել շրջապատը՝ պողոտաներ, գործարաններ, պուրակներ, հրապարակներ, շենքեր, սլացող տրամվայներ, տրոլեյբուսներ, ավտոմեքենաներ...

— Հիանալի՛ է, հիանալի՛... Ի՛նչ սքանչելի ու տպավորիչ են մարդիկ, հայրենակիցներս... Ո՛չ, նրանք այն չեն, ինչ ես տեսել եմ, նրանք անճանաչելի աստիճանով փոխվել են...

Ամեն մի քայլափոխում հսկայի զարմանքն ավելի ու ավելի էր մեծանում: Եվ վերջապես այդ զարմանքն աննկատելիորեն փոխվեց հիացմունքի դեպի այն հրաշագործ սերունդը, որը ստեղծել, աճեցրել ու կառուցել էր այս հրաշալիքները, այս հեքիաթային աշխարհը:

Երիտասարդը Մհերին ջերմորեն պատմեց ո՛չ միայն Երևանի, այլև Հայաստանի մյուս քաղաքների՝ Լենինականի, Կիրովականի, Ալավերդու, Ղափանի, Էջմիածնի, Կոխոզային շքեղ գյուղերի, ագրոքաղաքների, ջրանցքների, էլեկտրակայանների, ճանապարհների մասին:

Եվ այսպես խոսելով, նրանք հասան Լենինի հրապարակը: Նա Մհերին ցույց տվեց անմահ Լենինի հոյաշեն արձանը և քաղաքի բարձրադիր վայրում հաղթականորեն դեպի երկինք բարձրացած ՍՍՀՄ-ի մոնումենտը և ասաց.

— Նրանք երկուսով փրկեցին, պապի՛կ, մեր ժողովրդին: Հայ ժողովրդի ամենածանր օրերին, նրանք մեկնեցին իրենց ազատարար ձեռքը և հայրական հողատարության մեզ քաղաքներն անկման վիճից դեպի ազատ, լուսավոր կյանք: Նրա՛նք տվեցին մեզ այս լուսաշող ներկան: Նրա՛նք բերեցին քո երազած խաղաղությունը:

— Բայց մի՞թե դեռ աշխարհում կան մարդիկ, որոնք խաղաղություն չեն սիրում:

— Այո՛, կան: Նրանք գտնվում են Արևմուտքում և Ատլանտյանից այն կողմ: Նրանց երկրներում ազատությունն ու արդարությունն ավելի հաստ պարիսպների մեջ են բանտված, քան այն ժամանակ, երբ դու քարայր մտար:

Ծերունին մի պահ մոռացվեց, ասպա ասաց դու ձայնով.

— Հայ ժողովուրդը, իր պատմության ապարեղ իջնելու օրից, սիրել է խաղաղությունը, եղբայրությունը և ազատությունը: Անցյալում իմ տեսած անարդար և արդու-նոտ աշխարհում, այդ քաղաքակաները հարգի չէին, այն ժամանակ բռնակալների ու հարստահարողների վայրենի կամայականությունն էր գերիշխում: Այժմ տեսնում եմ, որ քանդվել է, իրոք, հին աշխարհը և նորն է շինվել... Եվ եթե կան, ինչպես ասում ես, ինչ որ տեղերում հին աշխարհի բեկորներ, ապա նրանք անկարող են կասեցնել պատմության անիվի ընթացքը:

Եվ ծերունին շարունակեց.

— Ես խոնարհվում եմ նոր սերնդի, նոր հասարակարգի ստեղծագործ ուժի առաջ, և իմ երախտագիտական պարտքը հատուցանելու համար, համբուրում եմ մոնումենտները իմ ժողովրդի փրկիչների, այն մարդկանց, որոնք երախտագետ հայ ժողովրդին ազատություն և երջանիկ կյանք պարգևողներն են հանդիսացել:

Սմբատը սթափվեց: Պատկերն անհետացավ:

Նրա դեմքը փայլում էր երջանկությունից:

ՍՈՎԵՏԱԿԱՆ ՀԱՅԱՍՏԱՆԻ 30-ՐԴ ՏԱՐԵԴԱՐՁԸ Ս. ԷԶՄԻԱՄՆԻ ՀՈԳԵՎՈՐ ՃԵՄԱՐԱՆՈՒՄ

Ինսպուրիկայի ողջ աշխատավորության հետ միասին Սովետական Հայաստանի 30-րդ տարեդարձը պատշաճ ձևով նշեցին նաև Ս. Էջմիածնի Հոգևոր Ճեմարանի ուսանողությունն ու դասախոսները:

Տոնակատարության օրը, երեկոյան ժամը 8-ին, նախապես զարդարված Ճեմարանի դահլիճը հավաքվեցին ուսանողությունը, դասախոսները, միաբանության անդամներից ոմանք և Էջմիածնից ու մայրաքաղաքից եկած հյուրերը: Հինգ բոլե անց դահլիճ մտավ Նորին Սուրբ Օծություն Վեհափառ Հայրապետը, ուղեկցությամբ Գերապատիվ Վահան Արքեպիսկոպոս Կոստանյանի, Գերագույն Հոգևոր Խորհրդի անդամ պրոֆ. Կամսարականի և Ճեմարանի վերատեսուչ տիար Մ. Մինասյանի:

Տոնական հանդեսը աղոթքով բացեց Գերաշնորհ Վահան Արքեպիսկոպոսը:

Առաջինը բեմ բարձրացավ Հոգևոր Ճեմարանի վերատեսուչ տիար Մինաս Մինասյանը և զրվատեց այն վիթխարի հաջողությունները, որ ունեցել է հայ ժողովուրդը Սովետական կարգերը Հայաստանում հաստատվելու շնորհիվ:

Տեսչից հետո հանդես եկավ Գ. Լսարանի շնորհալի ուսանող Քաջիկ սարկավազ Գեորգյանը և կարդաց իր շարադրությունը՝ «Սովետական Հայաստանը 30 տարում» թեմայով:

Ի պատիվ Սովետական Հայաստանի պանծալի հոբելյանի, Հոգևոր Ճեմարանի երգչախումբը, ղեկավարությամբ արվեստի վաստակավոր գործիչ Դ. Ղազարյանի, որը Հոգևոր Ճեմարանի երաժշտության դասախոսն է, երգեց «Անուշ Հայաստան» երգը:

Այնուհետև, իրար հետևից, հանդես եկան

Ճեմարանի մի շարք շնորհալի ուսանողներ իրենց արտասանություններով: Ա. Լսարանի ուսանող Արամ Քեչյանը արտասանեց Գեղամ Սարյանի Սովետական Հայաստանին նվիրված բալլադան, Գ. Լսարանի ուսանող Փայլակ Այնթափյանը, որն օժտված է բանաստեղծական տաղանդով, կարդաց իր երկու ինքնուրույն բանաստեղծությունները, Գ. Լսարանի ուսանող Իգնատիոս սարկավազ Մարտիրոսյանը կարդաց իր հեղինակած «Ողջուն Սովետական Հայաստանին» արձակ բանաստեղծությունը, Բ. Լսարանի ուսանող Տիգրան Մարտիրոսյանը կարդաց իր ինքնուրույն բանաստեղծությունը՝ «Սովետական Հայաստան»: Ելույթ ունեցան այլ ուսանողներ ևս:

Ամեն մի արտասանությունից հետո, Հոգևոր Ճեմարանի երգչախումբը երգում էր հայկական երգեր: Արտասանությունները և երգերը ընդունվում էին ունկնդիրների կողմից ծափահարություններով:

Երեկոյթի վերջում երկրորդ անգամ հանդես եկավ Փայլակ Այնթափյանը և կարդաց իր շարադրությունը՝ «Սովետահայ պոեզիան 30 տարում»:

Ստեփան սարկավազը իր անուշ ձայնով երգեց հայկական մի քանի երգեր:

Հոգևոր Ճեմարանի դասախոսական կազմի կողմից ողջունի խոսք ասաց Ֆ. Բոռչանյանը:

Վերջում Վեհափառ Հայրապետն օրհնեց հանդիսականներին և հանդեսը փակվեց:

Հանդեսից հետո Հոգևոր Ճեմարանի երկրորդ հարկի դահլիճում տրվեց թեյասեղան:

Ֆ. Բ.